

Baca Lembaran Maklumat Produk ini sebelum anda memutuskan untuk melanggan produk ini. Sila pastikan juga untuk membaca terma-terma di dalam Surat Tawaran. Dapatkan penerangan daripada pegawai kami jika anda tidak memahami mana-mana bahagian dalam dokumen atau terma-terma ini.

PEMBIAYAAN PENDIDIKAN-i

Tarikh: _____

1. Apakah yang ditawarkan oleh produk ini?

Kemudahan Pembiayaan Pendidikan-i menggunakan konsep Tawarruq ditawarkan untuk membiayai pengajian sepenuh dan separuh masa yang ditawarkan oleh institusi pendidikan yang diiktiraf oleh Kerajaan Malaysia. Pembiayaan ini dikira menggunakan kadar terapung atau kadar tetap.

2. Apakah konsep Syariah yang diguna pakai?

- Pembiayaan ini menggunakan prinsip Syariah Tawarruq.
- Tawarruq mengandungi dua kontrak jual dan beli. Kontrak pertama melibatkan penjualan aset oleh penjual kepada pembeli secara bayaran tangguh. Kemudian, pembeli tadi akan menjual semula aset yang dibeli kepada pihak ketiga secara tunai dan serta-merta.
- Aturan Tawarruq bagi produk ini adalah seperti berikut:
 - (i) Pelanggan membeli komoditi daripada Bank secara Murabahah (harga kos beserta keuntungan) pada Harga Jualan Bank. Dalam proses ini, pembelian tersebut akan dilaksanakan oleh Bank sebagai Ejen Belian kepada pelanggan.
 - (ii) Sebagai Ejen Jualan kepada pelanggan, Bank kemudiannya menjual komoditi kepada Pembeli Komoditi pada harga kos. Hasil daripada transaksi tersebut akan dikeluarkan bagi kegunaan pelanggan.
 - (iii) Pelanggan bertanggungjawab untuk membayar jumlah hutang daripada transaksi Murabahah mengikut syarat yang dipersetujui.
- "Komoditi" bermaksud apa-apa komoditi yang diterima oleh Bank contohnya minyak kelapa sawit, resin plastik, getah, biji koko, kacang soya, kayu balak dan logam (tidak termasuk emas dan perak) yang diurusniagakan di mana-mana platform komoditi yang diluluskan oleh Bank. Jualbeli komoditi dilaksanakan berdasarkan mandat pelanggan, di mana Bank sebagai Ejen Belian dan Jualan meniadakan komoditi seperti yang diadakan dan disediakan oleh penyedia komoditi tertakluk kepada dasar semasa Bank.

3. Apakah yang saya perolehi daripada produk ini?

Ilustrasi untuk Pembiayaan Pendidikan-i Kadar Terapung

Jumlah Amaun Pembiayaan	RM 200,000.00
Tempoh Pembiayaan	10 tahun
Kadar Keuntungan Siling	15% setahun
Harga Jualan Bank	RM 387,204.00
Kadar Keuntungan Efektif <i>Nota: SBR ialah 3.00% setahun (untuk ilustrasi sahaja)</i>	SBR + 2.88% = 5.88% setahun
Jumlah Perlu Bayar pada akhir tempoh	RM265,005.23

Ilustrasi untuk Pembiayaan Pendidikan-i Kadar Tetap

Jumlah Amaun Pembiayaan	RM 200,000
Tempoh Pembiayaan	10 tahun
Harga Jualan Bank	5.13% setahun
Kadar Keuntungan	RM 102,600.00
Jumlah Perlu Bayar pada akhir tempoh	RM 302,600.00

4. Apakah itu Kadar Asas Standard (SBR)?

SBR yang kami tawarkan bagi produk ini adalah berdasarkan kadar penanda aras yang ditentukan oleh Bank Negara Malaysia. Kadar penanda aras pada masa ini ditetapkan sebagai Kadar Dasar Semalaman (OPR), yang mencerminkan pendirian dasar monetari seperti yang diputuskan oleh Jawatankuasa Dasar Monetari Bank Negara Malaysia. SBR terkini boleh dirujuk di <https://www.bankislam.com/personal-banking/other-information/standardized-base-rate-sbr/>.

5. Apakah kemungkinan-kemungkinan yang menyebabkan perubahan SBR?

SBR boleh menaik atau menurun disebabkan oleh perubahan dalam kadar penanda aras, iaitu perubahan pada OPR

6. Apakah rujukan SBR sejak 3 tahun kebelakang?

Sila layari laman web kami <https://www.bankislam.com/personal-banking/other-information/standardized-base-rate-sbr/> untuk maklumat lanjut.

7. Apakah tanggungjawab saya?

- Ansuran Bulanan anda ialah RM _____
- Jumlah amaun pembayaran di akhir _____ tahun ialah RM _____
- Anda dikehendaki menyelesaikan semua ansuran bulanan seperti yang telah dinyatakan di dalam Surat Tawaran Pembiayaan setelah pengeluaran penuh dibuat.
- Dibawah Pembiayaan Pendidikan-i Kadar Tetap, tiada perubahan pada Ansuran Bulanan dan jumlah amaun pembayaran anda sepanjang tempoh pembiayaan.
- Bawah Pembiayaan Pendidikan-i Kadar Terapung, Ansuran Bulanan dan jumlah amaun pembayaran anda akan berubah apabila SBR berubah seperti ditunjukkan dalam ilustrasi di bawah, walau bagaimanapun jumlah amaun pembayaran tidak akan melebihi Harga Jual Bank.

Kadar	Hari ini (SBR = ___%)	Jika *SBR meningkat 1%	Jika *SBR meningkat 2%
Ansuran bulanan	RM	RM	RM
Jumlah keuntungan pada akhir ___ tahun	RM	RM	RM
Jumlah amaun bayaran pada akhir ___ tahun	RM	RM	RM

Nota: = Ilustrasi untuk kesan perubahan SBR boleh dirujuk di <https://www.bankislam.com/personal-banking/other-information/standardized-base-rate-sbr/>.

- Ansuran bulanan akan dinaikkan/dikurangkan seiring dengan kenaikan/ penurunan SBR Bank. Anda boleh menghantar permohonan bertulis kepada Bank dan Bank boleh mengekalkan ansuran bulanan yang sama di sebalik kenaikan SBR, bergantung kepada jumlah yang sama adalah mencukupi untuk menampung keuntungan bulanan. Perbezaan ke atas bayaran bulanan akan dikumpulkan sehingga tamat tempoh pembiayaan.
- Ketika tamat tempoh kemudahan, anda perlu menyelesaikan semua baki belum berbayar atau Bank boleh memanjangkan tempoh pembiayaan untuk penyelesaian kemudahan melalui bayaran bulanan baharu yang dipersetujui. Jika tempoh pembiayaan yang diberi melebihi umur bersara, anda masih bertanggungjawab untuk membayar ansuran bulanan atau anda boleh memilih untuk menyelesaikan kemudahan pada bila-bila masa.
- Jika tempoh pembiayaan yang diberi melebihi umur bersara, anda masih bertanggungjawab untuk membayar ansuran bulanan atau anda boleh memilih untuk menyelesaikan kemudahan pada bila-bila masa.
- Anda perlu:
 - a. Mengekalkan keputusan peperiksaan yang memuaskan seperti yang diperlukan oleh Institusi Pendidikan anda; dan
 - b. Melengkapkan kursus pengajian anda dalam tempoh yang dijadualkan; dan
 - c. Mematuhi semua ketetapan disiplin yang dibuat oleh Institusi Pendidikan anda.
- Jika anda gagal mematuhi perkara di atas yang membawa kepada lanjutan tempoh kursus yang dijadualkan, penamatan kursus, atau anda diberhentikan daripada kursus, peristiwa ini akan dianggap sebagai Kejadian Mungkir dan pihak Bank berhak untuk mengambil tindakan seperti yang dinyatakan dalam terma dan syarat pembiayaan.

8. Apakah caj- caj lain yang perlu saya bayar?

No.	Jenis Caj	Amaun dan Perincian Caj
i.	Duti Setem	Seperti mana Akta Duti Setem 1949 (Pindaan 1989)
ii.	Fi Wakalah	RM50

Pembatalan kemudahan yang diberikan

Anda perlu menjelaskan semua kos di atas termasuk kos-kos lain yang telah ditanggung oleh Bank (jika ada) untuk penyediaan dan pendaftaran dokumen sekuriti yang berkaitan dengan kemudahan ini termasuk sebarang perbelanjaan yang dicaj semasa proses tuntutan apabila kemudahan ini dibatalkan.

9. Adakah Bank memerlukan bayaran pendahuluan?

Tidak. Bank Islam tidak memerlukan sebarang bayaran pendahuluan.

10. Bagaimanakah jika saya gagal memenuhi tanggungjawab saya?

- Caj ganti rugi (Ta`widh) ekoran lewat bayaran akan dikenakan seperti berikut:

Sebelum Tarikh Matang Kemudahan	Jumlah yang bersamaan dengan satu peratus (1%) setahun ke atas tunggakan ansuran dikira sehingga tarikh penyelesaian penuh.
Selepas Tarikh Matang Kemudahan	Jumlah yang bersamaan dengan kadar semasa semalaman harian Pasaran Wang Antara Bank Islam (IIMM) dikira ke atas baki pembiayaan iaitu baki Harga Jualan setelah ditolak rebat (Ibra'), jika ada.
Hutang Selepas Penghakiman	Jumlah yang bersamaan dengan kadar semasa semalaman harian IIMM ke atas jumlah penghakiman asas dikira dari tarikh penghakiman sehingga tarikh penyelesaian penuh.

Nota: Pengenaan Ta`widh adalah dengan cara yang diluluskan oleh BNM dari semasa ke semasa.

- Apabila berlaku kemungkiran:
 - Bank boleh melalui notis bertulis kepada anda, meminta anda membuat pembayaran segera terhadap jumlah tertunggak sama ada daripada anda dan/atau penjamin.
 - Bank berhak untuk menolak sebarang baki kredit dalam akaun deposit dan/atau pelaburan anda yang diuruskan oleh Bank terhadap sebarang bayaran tertunggak di bawah pembiayaan ini.
 - Bank boleh mengambil tindakan undang-undang ke atas anda sekiranya anda gagal untuk memberi maklum balas terhadap notis peringatan. Sebarang sekuriti yang dicagarkan kepada Bank boleh dirampas/ ditarik/ dicairkan dan anda perlu menanggung semua kos yang berkaitan dengan pelupusan/ pencairan sekuriti tersebut. Anda juga bertanggungjawab untuk menyelesaikan sebarang kekurangan jumlah pembiayaan selepas sekuriti tersebut dilupuskan/ dicairkan. Tindakan undang-undang terhadap anda boleh memberi kesan kepada penarafan kredit anda yang membawa kepada penilaian kredit yang lebih sukar atau mahal untuk anda di masa hadapan.
 - Mencetuskan kemungkiran bersilang terhadap kemudahan lain dengan Bank.

11. Bagaimanakah jika saya menyelesaikan pembiayaan sebelum tempoh matang?

- 'Lock in period' tidak terpakai bagi kemudahan ini dan Bank akan memberikan Ibra' ke atas Keuntungan Tertangguh setelah penyelesaian penuh dibuat.
- Formula Ibra' adalah seperti berikut:

Ibra' (rebat) ketika penyelesaian awal = Keuntungan Tertangguh

Nota:

- Keuntungan Tertangguh = Jumlah Keuntungan Kontrak – Keuntungan Terakru.
- Jumlah Keuntungan Kontrak = Harga Jualan – Harga Belian (atau Amaun Pembiayaan).
- Keuntungan Terakru dikira berdasarkan *EPR* ke atas baki Harga Belian belum selesai (atau Amaun Pembiayaan) yang dikeluarkan (atau digunakan).

12. Adakah saya memerlukan perlindungan Takaful?

- Perlindungan Takaful adalah pilihan, namun anda dinasihatkan untuk melanggan Pelan Takaful Pembiayaan Pendidikan dari Syarikat Takaful Malaysia Berhad atau mana-mana pengendali Takaful lain yang beroperasi di Malaysia untuk perlindungan terhadap kematian atau hilang upaya kekal.
- Bagi mengelakkan sebarang kesulitan, EFTP boleh diperolehi daripada syarikat Takaful yang telah dilantik oleh pihak Bank.

13. Adakah saya memerlukan penjamin atau cagaran?

Jika anda tidak memenuhi keperluan kredit minimum, Bank Islam mungkin akan memerlukan seorang / lebih penjamin atau cagaran bagi membolehkan anda untuk menghantar permohonan.

14. Apakah yang perlu saya lakukan jika terdapat perubahan kepada butiran perhubungan saya?

Adalah penting untuk anda memberitahu kami berkenaan apa-apa perubahan terhadap butiran perhubungan anda bagi memastikan sebarang bentuk komunikasi dapat dihantar tepat pada masanya. Bagi mengemaskini butiran perhubungan anda, anda boleh memaklumkan kepada kami secara bertulis atau lawati Cawangan Bank Islam berhampiran.

15. Siapakah yang perlu saya hubungi untuk maklumat lanjut atau untuk membuat aduan?

Jika anda menghadapi kesulitan untuk menjelaskan ansuran bulanan, anda dinasihatkan untuk menghubungi kami dengan segera bagi membincangkan mengenai pilihan bayaran di:

**Pusat Panggilan & Khidmat Pelanggan
Bank Islam Malaysia Berhad
Tingkat 17, Menara Bank Islam
No. 22, Jalan Perak
50450 Kuala Lumpur
Tel: 03 2690 0900
Faks: 03 2782 1337
Emel: contactcentre@bankislam.com.my**

Sebagai alternatif, anda boleh mendapatkan khidmat Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia untuk memberikan khidmat percuma mengenai pengurusan kewangan, kaunseling kredit dan penstrukturan semula hutang individu. Anda boleh menghubungi AKPK di:

**Tingkat 5 dan 6,
Menara Bumiputra Commerce
Jalan Raja Laut,
50350 Kuala Lumpur.
Tel: 03 2616 7766
Faks: 03 2616 7601
Laman Sesawang: www.akpk.org.my**

Jika anda ingin membuat aduan berkenaan produk atau perkhidmatan yang disediakan oleh kami, anda boleh menghubungi kami di:

**Jabatan Khidmat Pelanggan
Bank Islam Malaysia Berhad
Tingkat 17, Menara Bank Islam
No. 22, Jalan Perak
50450 Kuala Lumpur
Tel: 03 2690 0900
Faks: 03 2782 1352
Emel: customercare@bankislam.com.my**

Sekiranya pertanyaan atau aduan anda tidak diselesaikan secara memuaskan oleh kami, anda boleh menghubungi Bank Negara Malaysia LINK atau TELELINK di:

**Blok D, Bank Negara Malaysia,
Jalan Dato' Onn,
50480 Kuala Lumpur
Tel: 1 300 88 5465
Faks: 03 2174 1515
Emel: bnmtelelink@bnm.gov.my**

16. Di mana saya boleh dapatkan maklumat lanjut?

Sekiranya anda memerlukan maklumat tambahan berkenaan Pembiayaan Pendidikan-i, sila rujuk di cawangan Bank Islam terdekat di seluruh negara atau layari laman web Bank Islam di www.bankislam.com.

17. Pakej-pakej pembiayaan lain yang disediakan

- (i) Pembiayaan Peribadi-i Pakej
- (ii) Pembiayaan Peribadi-i Bukan Pakej

PERINGATAN PENTING: TINDAKAN UNDANG-UNDANG MUNGKIN DIAMBIL KE ATAS ANDA JIKA ANDA GAGAL UNTUK MEMBAYAR ANSURAN BAGI KEMUDAHAN PEMBIAYAAN PENDIDIKAN-i ANDA.

Nota:

1. Maklumat di atas adalah sebagai ilustrasi sahaja. Keuntungan dan caj-caj mungkin akan berubah dan tertakluk kepada terma-terma dan syarat-syarat Bank.
2. Semua maklumat yang diberikan dalam Lembaran Maklumat Produk ini adalah sah mulai 27 Disember 2024.

Pengesahan penerimaan oleh pelanggan,

.....

Nama:
No. Kad Pengenalan:
Tarikh: